

TATJESTELG—ponamoigos 31 —ponaneoimgeg pogelgag mimatj-oinoag pegisingag ag maoi oli ala-sotmamgep. Mōgetj elpa tet oast-coinog oitjei nipgela oegin alitagal neogtipoga, ag mōgetj lnim elogō-oagan pemianog paseg eta antlegatieg ag temigenatgol clitoegel. Ag ola aptjitatjig mimatjoinog panseg tjagseng oetjitatjig ag tan oigostemai mset oelōltitjig. Ag amlamgog Gligoel Pal antleget ag pasgiteget ag napotaganiget gis nesotatji sasgato splinilg tjagseng natel etli sigtatji sasgatoa, neogtetjilitjel elpa mimatjilitjel mesnatela sasgatola na negem pitimeoatōg ola eimega. I. N.

NATOAGNEGEOEI agnotemag-entjij— apig. 13 tes.— Lnoi sagmao Piel Tanas gemotjeget ola ninen nmagamigeminag ogamtjitjem gisitōg na natel eimelitji tjinemtjitj elogōotjia. Ngotei pa Piel Tjolina gis sag tan elnoi sagmaoisa ; ngotei Toma Sanipasa, gato mo etli gemotjegego ola tetta, seg magamigeo oesgōoasit, gato natoagneoei na teloittemeg migmaoittemeg gesmipsgoneg elmenagnei sipoa.

Aselig Tjolin nepeg Salmen Plan-sis ogtepitema, ag Magsim Sam, ag Tjolin Agostin ontjantjitjoal, ag Sapatis Oenotj ag Monig Oitne ontjantjitjoal 3 agentieotil tetotjelitel nepelitel, ag Noel Palnape ag Malpelōnig Sam ontjantjitjoal nepelitel 2 ag. tetotjelita.

Me gato sespetasoltieg ola ninen natoageungeoieg tan totjio nemitoeeg elnoi sagmao onameoatj ogtoi mogoigetemen nige ola oetjgoiag set-aneoiंगा, gato tlia na mo negem ogoisonem mesganatog, gato aptj nemitoeeg tan oen megtoatel glosgapala, nogo tjel oesgeoōltieg, gato miamotj esgipetoeg getlōgo onameoatj elnoi sagmao ogtli poatemen naa miamotj na negem glositeo, ma na glosgap negem gisi onagatog na negem peoatga.

Gisigoag Toma Palnapeōg saga-oeiag elnoi sagmaoipenag natoagneg otepitemel natami 70 tetotjeg

elalotag tjatemg gsinogōoaganōgōmg patliasisgōoigtog gis taposilitji tepgenoselitji teli pgitji gsinog-oat, me mōgoa oestemaog.

Nige aptj nemitoeeg tan getoi tli oli aptogōpilotj gtelegemino Tjōtj naneoei, nige ola ntelnoi sagmaminen Piel Tanas pōgtji ilatjit ogisi liena ag elp ognenogsin tan teli elnoi sagmaotja ag olitasiteo igtegi elno sagma ogtli maoi oltesgatol-tineo tan tami tetta, ag elp miam-tj oitjeoatji tasilitji negem onagapema ola natoagneg tlea.

Notjinen patlias Tōpi mōgoa gisi gpsinog tet ola agentieoti 12 apig. teltegep otl alamesigen na totjio telategeg ogtoemel pitesgasilitjel mesgig tan teli asgasitj tesipōoa gis asogōm agentieoimng menag pegisingog natoagnega.

GOSPEMG — gtjigos 28 tes. 19 10 — neogtetjit epit oetji pgōtam-gasip ola tet otantjitig nipena, gato aptj pegisingeg pegisitōgōp gsinogōoagan teloisig lapigōt, na negem soel oetji nepeg, gato nogo mōge oen gesinogoaog, Nisgam telit-etges mo osesasin ; nōgmatot, telimolōg metoegeg meta mōge soel al-sottemeg tan teli gtantemg mima-tjoagan.

Spring-Hill Jc. — 19 gtjigos — Matieo Plaspel otepitema nepelita Mali Tjen Tames teloisilita epegoitg tleia.

Lnoi menigog **EPEGOITG** — ponaneoimgeoei tepgenoset 18 iteg — Oeli gagiag neogtipongeg otjit sgo-leoltiteog mitjoatjitjig ag notji militateogo aggi. Mitjoatjitjig goetjino-goalopenig me gitjga egiltjemgeoei ag eoigigemgeoei pigoelgel tepmitipenel istage apangetoōoetjitjel. Gtelpatominag notji tooatiteogo elp negmōo gegonemititj gelolg oison gis tapo militatjig ag tes negmōo gespotoetjig. Aptj militatag me tas, atjijptjotemg aptj oitjei otlatagatineo.

Ola pemiag agantieoti pegisingeg gotjino patlias ola menigog ag taponemigsipenig malieoltipenig.